

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXXVI

urn:nbn:de:bsz:31-97032

C A P U T XXXVI.

DE RANUNCULO, RUTA,
Rosmarino, Rhodia & Rosa.

Ranunculus si edatur, contrahit vescientibus nervos, rictuque ora diducit. Ridentium præbent speciem, qui moriuntur. *Pausan.* Meminit ejus *Salustius*; In Sardinia, inquit, quædam herba nascitur, quæ Sardea dicitur, agresti apio similis. Hæc ora hominum & rictus dolore contrahit, & quasi ridentes intermit. *Ruta* venenis resistit. Hinc eā mustela cum serpente congressura, munitur, & quia salvia sæpe à bufonibus inficitur, remedium ab ipsa, si adjuncta fuerit. In eam rem *Migaldus Horti Medici campo 6. area 3.* Vi præsentanea venenis oblitus, nec ullum serpentis genus, quam se longissime ejus umbra portigit, uspiam admittit. Mirabilis magnitudinis Macherunti. *Ioseph. l. 7. de bello Iudaic. c. 25.* A nulla enim fico celsitudine vincebat, & vita à Herodis tracta temporibus. Epilepsia insigne remedium est, fortuito à rustico inventum. *Camerar. Cent. 3. memorab. 36.* Contundebat eam, & lunatici collapsi, rutæ odore plenus, continebat nares. Surgebat iste. *Rosmarinum* tam copiosum in Gallia sponte provenit, ut utatur; tam crassum, ut mensarum sū materia. Non in Vere tantum, sed & in Autumno floret. *Mathiol. l. 3. c. 37.* De illo in Anglia sic *Barclajus Icon. Anim. c. 4.* *Rorismarini plantæ apud multas gentes ipsa cura qua educatur, pretiosa; hic vulgaris, & nonnunquam in sepes, velut ad hortorum custodiā stipata.* *Rhodia* radicum vivacissima est. Nam è terra effossa, nisi siccissimis reponatur locis, post multis menses rursus plantata, repullulascit. In altissimis rupibus nascitur, ubi vix tantum terræ habet, ut illi inhætere possit. *Mathiol. l. 4. cap. 41.* *Rosa Carthagine Hispaniæ hyeme tota præcox est, semper apud Romanos in honore.* Nam & folia ferulæ epularum inspergere mos erat, & citrias mensas illarum oblinire

fucco, ut ob amarorem intactæ à carie essent. Theophrastus centifoliam circa Philippos exire refert: & in hortis Midæ sexagenum foliorum sua sponte rosæ nascabantur, fragrantiore odore quam cæteræ in quibus Silenus fuit exceptus. Herodot. l. 8. Heliogabalus in recumbentes convivas per laquearia, veluti per impluvium rosas effundi jubebat. Dalechamp. in lib. 21. cap. 4. Admirandum illud est quod de rediviva narratur. Scilicet magni nominis apud Cracovienses Medicus erat, qui adeo eleganter apparabat cinerem, ex omnibus plantæ partibus, ut omnes eatum scire conservaret spiritus. Cinis, admota vasculo candela, aliquanto incalescens, aperta rosæ emittebat speciem, quam sensim crescere, vegetati, ac formam penitus caulis, foliorum, ac geminæ denique floridæ rosæ umbram extinxere, tandem explicatissimam Rosam producere, intueri licebat, redibat in pulvrem igne remoto. Rosenberg. Rhodolog. c. ult. Idem ferè in Urtica accidisse, historia apud Quercetanum de peste testatur. Cum enim quidam remedium contracalculum infituisse vellat, sub finem Autumni non paucas è terra urticæ integras radicibus evulsi, ex evulsi lixivium cum aqua calida, vulgari modo composuit, compositumque philtando, atque transcolando purificavit, ut ex illis tandem, secundum Artis præcepta suamque pariter intentionem educeret, accommodatum. At vero cum in vasculo quodam terreo, prædictum lixivium, rotata nocte, ut frigiferet, exposuisset, quo die subsequente, exhalationem ad salem extrahendum moliretur, casu quodam contigit, hac ipsa nocte, aerem ita infrigidatum fuisse, ut totum lixivium gelu nimio concretum fuerit. Cum igitur summo mane, vas illud è fenestra amovere vellat, prater suam vidit opinionem, aquam lixivii congelatam, subindeque mille Urticarum figuræ, in illa, cum radicibus, foliis & truncis adeo perfecte descriptas & adumbratas: ut qui melius illas ad unguem expressisset, figurassetque vir pictor ullus reperiretur.

CAPUT